

皇朝經世文新編

皇朝經世文新編卷十五上目錄

交涉

日本鄰交志序

黃遵憲

論交涉

闕名

各國交涉源流考

闕名

巴黎優友人書

馬建忠

敵情

薛福成

中國邊事論

俄人鋪加脫附

中國與俄法英關係論

日人闕名附

論中俄情形

英人闕名附

論中俄密約

英人闕名附

論日俄將來大局

闕名附

俄等中國政策

日人闕名附

論中英近六十年交涉利弊

英人闕名附

論東亞各歲情形

日人闕名附

書俄皇告洪太臣之言

薛福成

皇朝經世文新編卷十五上

順德麥仲華曼章輯

交涉

日本邦交志序

黃遵憲

外史氏曰余聞之西人歐洲之興也正以諸國鼎峙各不相讓藝術以相摩而善武備以相競而強物產以有無相通得以盡地利而奪人巧自法國十字軍起合縱連橫鄰交日盛而國勢日強比之羅馬一統時其進步不可以道里計云其意蓋謂交鄰之大有益也余因思中國瓜分豆剖干戈雲擾莫其於戰國七雄而其時德行若孟荀刑名若申韓縱橫若蘇張道德若莊列異端若楊墨農若李悝工若公輸若扁鵲商若計研范蠡治水若鄭白韓國五法若司馬孫吳辯說若衍龍文詞若屈宋人材之盛均為後來專家之祖一統貴守成列國務進取守成貴自保進取務自強此列國之所由盛乎持其時王帛少而兵戎多故未見交鄰之益耳日本之為國獨立大海中於地球為國均不相鄰宜其閉門自守民至老死不相往來矣然而入其國問其俗無一事不資之外人者中古以還瞻仰中華出聘之車冠蓋絡繹上自天時地理官制兵備暨乎典章制度語言文字至於飲食居處之細玩好遊戲之微無一不取法於大唐近世以來結交歐美公使之館衛宇相望亦上自天時地理官制兵備暨乎典章制度語言文字至於飲食居處之細玩好遊戲之微無一不取法於泰西當其趨而東也舉國之人趨而東及其趨而西也舉國之人又趨而西乃自目營心醉口講指畫爭出其所儲金帛以購遠物而於己國之所有棄之如遺不復齒數可謂驚外也已由前之弊論者每病其過於繁縟失則文弱由後之弊論者又病其過於華靡失則奢蕩交鄰果有大益乎抑天下之事利多百者弊十勢必有相因而至者乎然以余所聞日本一島國耳自通使隋唐禮儀文物居然大備因有禮義君子之名近世賢豪志高意廣

競事外交駸駸乎進開明之域與諸大爭衡嚮使閉關謝絕至今仍一洪荒草昧未開之國耳則信乎交鄰之果有大益也抑日本自將軍主政七百餘年一旦大阿倒持之柄拱手而歸之於上要其尊王之說即本於攘夷之論攘夷之論所由興即始於美艦俄舶迭來劫盟時也則其內國之盛衰亦與外交相維繫云作鄰交志上篇曰華夏附以朝鮮下篇曰泰西

論交涉

闕名

春秋之世由據亂而升平而太平世愈亂文愈治緯家附會為漢制作非也宣尼教法治萬世也治西人所謂二十周以後之地球也乃今始勾萌矣孟氏孔氏真派也重睦鄰稱法家斥爭戰之賊臣權君民之輕重李斯孔氏孽派也夜郎其國土番其民而繙聰塞明之禍枿至今也今廣環球之地之種之教亞歐美非澳也黃白紅黑樓也孔佛耶希回也通萬千年之扁鵲啟大一統之機鈴意在斯乎意在斯乎然群雄環立機牙肆應大役小強捕弱智石愚公使領事雜遝五洲聽其言彼此相助同我太平窺其國爭權拓利炊劍漸矛靡明靡晦昔者中國方盛蒼天惴惴恐為支那有我之創海軍也日本謹議制禦之策惟一尙倭大臣曰中國易與耳曾幾何時而情見勢絀若此雖然有以強弱土耳其是有以強亡拿破崙是有以弱存希臘是有以弱強法德日本是中國之弱不弱於法德日本受創時而各國之弱中國而雄猜異往時則新膽其中而玉帛其外是一生死肉骨之機也或曰事急矣未以處之而遠東近東兩病夫之言耳之而拂也剛以處之而狡焉思逞如英人葛洪者錄有徒也剛柔兩難一切交涉受虧之處雖有聖智未從挽回譬有奇憂者被酒而卧相相然忘其身也迨一驚覺而憂且劇也曾曩侯先睡後醒之論之益滋多慮也余曰不然今天下危機烈矣欲窺其深者不徒一國之交涉務知各國之猜疑夫英俄力征經營而忘其為蚌鷸也英之言曰俄不得志土耳其阿富汗及波斯海峽乃構西伯利亞鐵路不水海口又因遼東之役得允修東三省鐵路之約而中人入其彀中而昂乎執

亞東之千年而駁駁有太平洋全權以副其大彼得臨終之欲俄之言曰英人之亡印度以商今又以之解中國也其語言通行五洲潛執五洲之大權也英俄之雄猜如此故合肥相國之賀俄加冕也各國報館以為相攜密約而往也而德敬之而英收之各報之言曰非救中國也敬俄也非收中國也收俄也若夫日本既英以強者也其意播譽中國也值俄鐵路未成時試兵威以自立也然其於高麗也為俄俵也吾聞之披其枝者傷其心中國若此非日本之福也法德世仇又不喜於英埃及之役抵牾幾啟衅端遂折而入俄德恐俄法之特角德也亦昵俄以自固然畢士馬克尚在沈機觀變全局瞭然雖有振作不露端倪若有事之時必且聯盟於英也意因得羅馬與法不合必將昵德與德爭主歐洲中原有風釁然其弱於德無如德何但恐附俄以謀德乃必籠德而處其然德與俄無怨莫未遽顛覆若此也比利時西班牙則昵法荷蘭則昵英希臘則昵俄餘如瑞典挪威丹馬葡萄牙賽士蘭綠馬尼有中立者有偏助者蓋隨各國盛衰為向背也土耳其孱弱甚而殘忍希俄其阿刺伯教益仇西教爭戰之禍無歲無之自希臘脫羈縻後塞爾維亞等國效之近且因格拉脫島與希構兵款且不支或曰希實俄主之將來俄欲甘心於土黑海之戰乃其覆轍而英於土於波斯於阿富汗有重任三而無時釋也美守局外之例養兵不逾數萬然中日之禍曾助款於日以覆中國抑何心哉夫必明各國猜忌之深知其不暇亟圖我不能協謀我而我處可為之日鬱自強之機久矣若吾交涉之最棘手莫英俄法德日本若界務商務稅務教務靡不稍縱即逝說者以中俄三百年未啟兵端深為可倚近且聯轡常格而交誼日密獨坐空山放虎自衛識者危之英思由緬甸修鐵路至雲南法思由安南修鐵路至廣西蓄謀久矣今從俄之直執東三省也其謀奈何而不急也夫以鐵路開地之陰謀四方而至而情於應付之宜者不思展拓局勢研練人才廣鐵路輪船之利相抵制而曰吾羞伍西人是周牆已圯猶不其戶而寢息也而或恃有關中之雄巴蜀之險邊警雖急而兇寇邊營是穴其室而墮其自遂且從而土之而骷髏我也德與中向稱親睦

然中日之役英擬勸和而德拒之不仁甚矣然中日聯英甚俄聯德甚英聯法德關英俄而我徐收其利雖儀秦之辯責育之勇無所用之而為尋仇日本之議如昭烈之不忍孫吳者尤為大策何者兩督相逼而爭道不休兩瘡相持而色然以怒吾見排解者之援以為功而所養滋多兵故英俄法德日本俱當開誠布公與之交際而吾之所爭者祇在智其民強其學富其本不在挾忿尋仇之舉也且惟至人為能憂戚危明忍辱負重也昔日日本未變法以前亦建議鎖國者也逮為荷蘭學者極力通之以有今日然今律法更而約章改利權橫溢於五洲外船絕迹於港汊則是通塞塞通也中國通亦通不通亦通與其通於人而失自主之權何如通於已而擴小民之利且吾民之耳目心思非通未由新也吾民之農商工藝非通未由師也而況天構一英俄交忌莫敢先發之局乃寬吾痛瘡未雨之桑根也天構一法德日本政學維新之局乃導吾馳騁康莊之先路也吾誠痛瘡未雨馳騁康莊安知吾神明之奮衣冠之族不踐尼宣太平之約收二十周大同之軌也吾猶沒汶閣階仙心現現瘡瘡集集則大地浴浴而成江河星球迸裂而為鐵石千萬年皇王之舊國四百兆軒轅之貴種豈可恃哉今之為交涉學者不深洞其猜疑不由明其要害以因應於無形及時而自奮而但斤斤成案瑣瑣約章猶之桎梏於囹圄局促涕泣不清訟源而圖平反而冀諸獄吏之一緩頰也

各國交涉源流攷

闕名

於庠造物者之特於今日開一大通之局也豈徒然哉奈父不得隨日駁而通乎一周豎亥不能繞坤輿而步之三座今則環球九萬重譯戶庭星輅四出機牙諸脈余以藐然之身窮古人未窮之變時乎時乎請得言各國交涉之源以見久蓄思啟久邁思噴殆極造化之雕鏤萬年之局鑄始有此中外一家之地球歟攷中國帝嚳四十一年前一千八百一十一年高加索族種類入印度西境居河濱此為歐人通印度之始夏帝分三十四年一千八百一十一年巴勒斯坦如猶通商於阿非利加西班牙埃蘭諸國此為亞亞交通之始夏帝廬九年一千六百一十四年印度土民常

與西來之高加索民爭戰此為交通致衅之始商盤庚十七年一千二百九十九年印度土民與高加索民講和議始此為交涉議和之始商武丁十二年一千二百六十二年希臘國造海船習商務此為航海貿易之始周武王十六年一千四百一十六年猶太王大關與推羅王海命作通商條約此為兩國立約之始周康王五年一千一百一十三年印度與猶太通巴勒士登與亞刺伯印度通商此為亞西各邦通商印度之始周穆王四十九年一千九百一十一年意大利與各國立約通商此為通商各國因而立約之始周懿王元年一千八百九十五年巴勒士登約少法與埃蘭立約相助此為彼此相助之始此約甚多不及盡述通商約章豈寡亦載有彼此相助門其來久矣周景王十六年五百一十九年波斯立撒馬司為通商口岸與各國貿易立口岸之始周景王二十二年五百二十三年埃及海中漁稅納於波斯此為納稅海關之始周敬王三十六年四百八十二年羅馬立海關權征商務此為設關徵進出貨稅之始又敬王三十二年印度西拉士乘舟自印度港出紅海至波斯此為由東至西海道漸通之始周威烈王十五年四百一十一年希臘史伯大王與波斯三次立約周安王十二年三百九十年高里得羅馬京城豆尼昔乎與六加尼西立約相助說見前周顯王八年三百六十六年希臘各國與波斯議和按希臘各國自周敬王時迄周顯王時百餘年間議戰議和立約甚多此特舉其大者以明印度波斯希臘為海外交涉多故之始周顯王四十六年三百三十二年羅馬與亞波利及六尼加兩國立約罷兵周慎觀王四年三百一十七年羅馬與三拉地立約罷兵周赧王十年三百一十五年羅馬又與三拉地立約罷兵同時立罷兵之約者又有希臘檣台止人之與昔西利西里亞人之與印度此為兩國立罷兵約之始案立罷兵約載在公法蓋凡兩國交戰根均須先立此約然後議和此其權輿也王五十二年二百六十六年西魯背檣台止與羅馬合約此為諸國合約之始又赧王五十一年檣台止遣使至羅馬議和此為遣使議和之始是時周衰道微七雄並爭而彼中希臘羅馬波斯埃及馬基頓諸國亦復和議紛紜交涉條約雜並並出氣機之感中西一律異哉迄於秦漢馬基頓巴勒士登羅馬埃及和戰尤繁蓋難罄述是時漢亦稍務中外通商之事孝武朝馬邑人聶翁壹出物與匈奴交易後園單于來朝許於京師中互市此中

外互市之始然未及葱嶺以西也然漢書言大夏大月氏安息屬賓駸駸由西域通至阿富汗俾路之波斯諸境矣後漢書和帝永元九年甘英使大秦自安息安息即今波斯大秦即今耶路撒冷耶蘇降生之地也按後漢書大秦傳言其人民皆長大平正有類中國故謂之大秦又言大秦嘗欲通使於漢而安息貪以漢繒采與之互市故遮闕不得自達至東漢桓帝延熹九年大秦王安敦遣使至日南徼外獻象牙犀角瑇瑁始乃一通焉此為中西交通之始

地名攷據不詳於此者漢成帝建始四年二十羅馬通商印度購蠶絲歸此為絲入

歐洲之始漢成帝河平二年二十新羅王子天日槍歸順日本此為高麗通日本之始

亦曰甚此特志其交通之始易漢獻建安二十年紀元後三日耶穌教士以臘丁文字譯成教書通行泰西各

國此為西人傳教之始梁武帝大同十一年五百四土耳其人至亞細亞洲此為土人通亞洲之始隋煬帝大

業二年日本遣大禮小野妹子於隋此為日本通中國之始唐太宗貞觀六年六百三唐使送三田耜等至對

馬島此為中國通日本之始太宗貞觀二十年六百四希臘引中國及土耳其其攻羅馬取埃及之亞歷山德城

又高宗永徽二年六百五波斯王求援中國及土耳其其以禦阿喇伯不克阿喇伯遂滅波斯此為中國兵威漸

播西國之始

此至唐武德間復拓地萬里西史言波斯乞突厥兵正當堂時蓋突厥威近唐羅虜經敗匈奴兵威猶為阿喇

伯所攝故波斯欲因突厥及中國以禦阿喇伯也又崇貞觀十五年西突厥擊吐火羅滅之則突厥已直逾西

域之大月氏故波斯因而乞援焉史稱突厥為回紇滅大非蓋其時見遠回紇蓋遠而西跨歐亞二洲之間而

立國焉其舊居葱嶺以西裏海以東諸地西國猶名為威斯特土耳其斯坦故隋唐之間突厥強於北方中史

能詳之唐末以降突厥強於極西中史不能詳之又崇貞觀末食擊兵擊波斯波斯遣使來告大難高宗以

得謂其傳聞之失實也高宗龍朔元年六百六西域大通以波斯國都疾陵城為波斯都督府拜卑路斯為都督上元元年卑路斯來朝調露元年遣裴行儉送其子泥洹師歸國此為中國遣專使至波斯之始高宗麟德二年六百六遣劉德高通好日本此為中國遣專使至日本之始唐肅宗至德二年英與法王查理曼書立通

商之約又與法盟此為英法立約同盟之始宋太祖開寶三年十九百七丹麥普里島人根比恩等得几林蘭所

地此為西人廣覓新地之始宋孝宗時英法兩國更設遊察各屬地之官遣之四方廣求宋高宗紹興十一年一百

元利金主阿骨打伐印度此為中國用兵印度之始宣宗皇帝十四年一千二百元太祖伐俄羅斯明年又攻

波斯伐印度滅之立土人為官由是全歐震懾意大利法蘭西俱遣使聘問此為中國威服歐亞而西人遣使

來聘之始宋理宗淳和三年一千二百英法立約息兵五年是時法欲與英和英不許但許息兵此為展限息

兵之始案此後有息兵二年之約或息兵十年之約宋度宗咸淳九年七十五英與法里米國立約通商此

為英與遠國通商之始元武宗至大元年一千二百英始用銀錢匯票與西班牙葡萄牙通商此為英通西葡之

始元仁宗延祐四年一千三百荷蘭貿易其盛販運四方是時土耳其旅於歐洲英與意大利立約通商此為

荷英土意交通之始明憲宗成化十六年一千四百耳日曼即今之荷蘭諸國遣使於俄俄亦遣使聘問土耳其

其此為俄與各國交通之始孝宗宏治十一年一千四百歐人至印度十七年葡人設商埠於南印度之哥陳

立總督一員治之漸蔓延西邊濱池地此為歐人經營印度之始是時可倫比三次出洋覓得亞美利加大洲

為歐美交涉之始又遣使至中國征服安南之東京為覬覦安南之始宏治十四年英來孟加拉通商二十八

年英設東印度公司於孟加拉三十年荷踵之三十七年英入中印度此為歐人合窺印度之始以後印度與諸國交涉甚

密述武宗正德十五年一千五百葡人通暹羅後二年與之通商此為歐洲通暹羅之始正德十六年葡人立

埠於廣東之澳門此為中西通商之始世宗嘉靖九年一千五百英立商埠於美洲之白來齊此為英美交涉

之始嘉靖二十一年一千五百葡人至日本豐後國傳檄法明年遂立通商之約此為歐洲通日本之始嘉靖

二十八年瑞典與荷英二國立約此為瑞典通商之始三十二年一千五百英人航海至俄俄王召見之嘉其

才抵因與通商俄又遣使臣及列候十六人於英此為英俄交涉之始嘉靖四十一年英遣使鏗金生至波斯

才抵因與通商俄又遣使臣及列候十六人於英此為英俄交涉之始嘉靖四十一年英遣使鏗金生至波斯

此為英通波斯之始是時西班牙亦求立市波斯神宗萬曆二十六年一百一十六年英商船至日本此為英倭交涉之始萬曆四

十二年荷蘭通商中國此為中荷交涉之始是年遣使臣俄歷聘瑞典波蘭日耳曼諸國萬曆四十三年英法

航海通商中國此為中國英法交涉之始四十七年日本遣使羅馬教皇此為日本派使歐洲之始國朝順

治三年一千六百四十六年法和丹瑞丹割地與法又許通商口岸此為勸和而得利益之始順治十年一千六百五十四年荷

蘭人之商於印度者乃設洋行於廣東省垣明年又遣使至中國此為本朝與荷交涉之始順治十一年俄國

西皮里亞戌兵構與中國旋附商人奏書於中國此為本朝與俄交涉之始康熙十六年中康熙七年並與

荷蘭瑞典合約改法此為各國合縱之始十二年英法立彼此不助之約此為立不助之約之始康熙十九年

八十六百英由東方貿易公司通商澳門此為本朝與英交涉之始康熙二十四年波蘭與俄盟以弭兵之

約易為和好之約此為議改約章之始康熙二十八年一千八百一十九年中國與俄在尼布楚城議定黑龍江和約六

條此為中俄立約之始雍正五年又於恰克圖議定恰克圖界約十一條乾隆五十七年議定恰克圖市約五

商章程十七條又於愛輝城議定和約三條天津議定和約十二條十年又於京都議定續增條約十五條十

一年又於黑龍江議勘分界約記同治元年又於京都議定陸路通商章程二十一條又議定續增條約三

年又在塔城議定勘分西北界約記十條八年又於京都改訂陸路通商章程二十二條又議定續增條約三

條九年在塔城議定烏里雅蘇臺界約二條及塔爾巴哈台界約三條光緒七年又議改訂條約二十條陸路通

商章程十七條又議定伊犁塔城邊界三條及喀什噶爾西北界約四條九年又議定續增條約五條

互換新界條約記又議定塔城西南界約七條十年又議定喀什噶爾西北界約六條十二年又重勘理春東界議

定約記八則又兩國交界道路記乾隆五十七年一千七百九十二年英遣使臣馬甘尼斯當冬至此為英使來華之始

中英交涉諸事已道道光二十年禁烟事起二十一年英人義律擾廣州經美商代為講和許賞兵

費六百萬并割香港一島次年英將漢鼎查又擾閩廣江蘇等處兵連二載於是白門撫議成首定五口通商

之約廣州福州廈門寧波此為中英立約之始咸豐八年又在天津議定新約五十六款在上海議定稅則暨

烟臺會議條款三端十一年又在英京議定烟臺條約續增條款十條道光二十七年又與瑞典挪

二年又議定緬甸約文五條十六年又在英京議定烟臺條約續增八條道光二十七年又與瑞典挪

咸在廣東議定和約三十三條此為中瑞立約之始後無中國許美通商在白門議撫之時而咸豐八年始在

天津議定和約三十款在上海議定稅則暨通商章程十款同治七年又在美京議定續增條約八款光緒十年又在京部議定續增條約四款另附四款法

國亦於咸豐八年在天津議定和約四十二款章程補遺六款在上海議定稅則暨通商章程十款十年又在京部議定續增條約四款另附四款法

條約十款同治四年又更定商船免納船鈔章程一條光緒十一年又在天津會訂越南新約十款十一年又

議定越南邊界通商章程十九款十三年又續議越南界務五條又續議定滇粵等處商稅章程約十條

德國則於咸豐十一年始在天津議定和約四十二款稅則暨通商章程十款條約十款善後章程九款議立

換續展限憑單一件丹國則於同治二年始議定和約五十五款稅則暨通商章程九款後無荷蘭亦於是年始議定和

約十六款後無西班牙官書作日斯巴尼亞則於同治三年始議定和約五十二款六年議立換文憑一片光緒三年比

國則於同治四年始議定和約四十七款稅則暨通商章程九款後無義國則於同治五年始議定和約五十

五款稅則暨通商章程九款後無奧國則於同治八年始議和約四十五款稅則暨通商章程九款後無日本

則於同治十年始議定修好條規十八條通商章程三十三款中國海關稅則日本國海關稅則去歲換約悉

經更定秘魯則於同治十三年始議定和約十九款後無巴西則於光緒七年始議定和約十七款後無最後

則葡萄牙於光緒十三年始議定和約五十四款增改專約三款自中俄立約至此均據通商約章彙纂至列國交涉案件自本朝

以來亦日繁一日凡盟會戰爭約誓之辭汗牛充棟悉數難終然最要者六十四次具載西史而各國交涉公

法論所列成案不及百中之一茲擇其中尤要者略述之一修好弭爭之約如順治三年一千六百四十八年日耳曼西

班牙英法荷葡戰爭不已乃於威斯達非利加地方公立修好之約又康熙五十二年一千七百一十七年於烏德勒支

地方立約款定西班牙又同治五年一千八百六十六年普奧二國於潑雷格地方立約彼此永弭爭端此修好弭爭之

最要者一公約如嘉慶十九年二十年四十五年各國因拿破崙窮兵黷武流之愛力巴島乃於法京巴黎斯

奧京維也納及愛克斯排耳地方訂立公法以保太平之局此公約之最要者一局外之約如乾隆三十年

七十七年俄人見各國偶有戰事必有局外之邦或明攻或暗助彼此失利為累不堪乃於法國京城立局外約
 至今遂為公法成案此局外之例之最要者一認自主之國之約如順治五年四十六年日耳曼應允瑞士為
 自主之國又西班牙應允荷蘭為自主之國又康熙七年六十六年西班牙應允葡萄牙為自主之國又乾隆
 四十七年八十七年英美立約許美為自主之國又嘉慶六年百一十八年各國於阿米恆司公訂和約英始認法
 為民主之國又道光十一年三十八年南北荷蘭相攻南荷蘭改為比利時立自主國又光緒四年七十八年
 各國大會柏靈公立瓦喇加馬喇達二邦為羅馬尼亞國又立勃而忌里亞省及悶各鵲錫鈴省瀕意大利羅
海而之地
 美連省賽爾維阿省俱為自主小國賽爾維阿一作賽爾斐亞與羅馬尼亞自主
之始均經照會中國見約章類纂及四方日記又光緒十六年九十年
 各國認巴西為民主國又去年西班牙認古巴為自主國此認自主之國之約之最要者一界約如乾隆四十
 八年八十七年英法西荷四國於佛賽勒地立約以定美洲非洲屬地分畫界限毋相侵越又道光二十二年
 四十二年百一十二年英美於華盛頓京城訂畫屬境界限以杜爭端又咸豐六年五十六年英法土戰勝俄國與俄畫定
 土耳其黑海之界又咸豐七年五十九年各國於蘇士利畫定意大利交界之事又前年英俄始定巴馬界限
 此界約之最要者一購地之約如道光二十八年四十八年美以洋銀一千五百萬購墨西哥之德撒勒與新
 墨西哥及上嘉釐豐尼亞各地此購地之最要者一許別國行駛兵船之約如嘉慶十八年一千八百一十三年波斯國
 應允俄國在司邊海行駛兵船又咸豐四年五十六年英法諸國議定黑海除兵船外為各國商船所公同往
 來此兵船不得任意行駛之最要者以上所據成案不及千中之一然交涉公法之原可以畧窺梗概西國公
 法家云人與人必有交際方能相觀而善獲益無窮國與國必有交涉方能漸臻上理規模宏遠此乃天命所
 當然由是言之不明交涉公法之原而倉皇應付匪惟債事亦且逆天債事者絕權於天逆天者絕國於民何
 者交涉之法之學西國君民共之而中國僅一二辦理交涉之人操之而民且茫然乃至并其國其民不能有

其交涉之權而幾疑天之不仁中國也嗚呼惜哉昔羅馬公法家西細羅云上天生人具有天良知識有此二者則有公法有公法則有分所當得者能聯各國之人今天下合為一大總會而天為其主則天定律法與人定律法合而為一天下從此無戰爭矣旨哉言乎其諸太平世之交涉歟

巴黎復友人書

馬建忠

接奉九月二十六日尊誨屬將有益於交涉之學業者詳敘送核以便函達總署謹案交涉之道繁博錯雜類皆與列國之俗尚為變遷非一二語所可盡而其因時遞變之源流與夫隨時達變之才識則為政治學院所攷論而政治學院攷攷所講求者則尤為相時制變之實學也忠不揣愚陋即以平日所見聞者綜其大概謹為一一陳之夫泰西政教肇自希臘而羅馬踵之當希臘未闢之先其濱地中海東南諸部若范尼若埃及人民富庶派戶北渡遷於希臘各據一隅專事漁井造外寇屢侵諸部落併力抗拒斐理勃王始乘時行連合之說其嗣王亞立山卒成其志於是悉起中國兵東向略地至猶太波斯印度之屬綿亘數萬里而所征國都有各不相下之心無割地請和之說交涉之道猶未起也羅馬粉始之初地廣人稀招徠流亡漸臻蕃庶然後閉關謝使禁絕外人即有至者不得與本國人民同享權利迨國勢昌盛攫取希臘而收之遂奄有地中海周圍諸國溯其爭戰之際雖無遣使立約之文明猶有不殺使臣之遺意殆即交涉之道之嚆矢歟羅馬統一泰西垂三百餘年鞭笞叱咤遠方之來貢者有之未聞講信修睦之與國也君士但丁營造東都遂以其名命之其子劈分羅馬而東西之勢解力弱歷傳數世北方之來寇西羅馬者始於高特而亞第辣繼之西羅馬遂滅東羅馬至儒斯定王大修律例僅一時之盛及瑪奧買之說行屢為回教所侵而東羅馬卒歸土爾其矣此皆以勢力相傾軋兼併為得志而交涉之道蓋缺然已自泰西晏然無事不憂外寇而列國皆奉命於教皇教皇於各國有事則遣人以襄理之各國遇教皇繼統則專使以朝賀之凡有爭競惟賢哀於教皇而不以干戈事事

其意大利地分數十國如佛勞朗斯如維尼斯等城皆各主其主大事決於教皇小事自通使問殆亂靡之後崇尙文詞使臣聘會每有專對肆應之才以佛勞朗斯最爾一郡能折維尼士之富豪能奪法國之氣燭謂非瑪基亞范肋之辭令有以致之歟故瑪公之著述迄今使臣奉為祕本與其相後先者有當特有貝大爾克有包加斯有奇基亞第尼諸公皆為意國文學之祖或以詩鳴或以文鳴要皆元皇華之選者也其措詞執禮往往相假以仁義相襲以忠信是殆春秋時晏嬰叔向公孫僑之徒歟然其所爭交涉之事祇關一國之安危非係歐洲之均勢也夫歐洲列國壤地毗連雖一境之文治武功由我獨斷然保無有發焉思啟者乘間抵隙以為與國虞於是諸列國申盟要言以強弱相恤大小相維成一均勢之局即戰國合縱連橫之議名異而事同者也而歐洲自勝朝之末以迄於今交涉之道專主於此溯夫東羅馬既滅回教猖獗東襲南加利西入西班牙中攻意大利教王震恐糾力抵敵回難既平國君之權益微教皇之權益固日耳曼各部長半歸於教皇之手於是羅代祿首創異說自立一幟而教事以分日耳曼之北從之者如影響矣西班牙君加祿第五世陽奉教皇之命陰肆攘奪之謀恃與列國聯姻遂因承繼之名襲取意大利日爾曼之屬尊加皇號而亞勃斯普朝之權力浸熾法國介於西班牙日爾曼之間懼其日逼構聯日爾曼北之各屬歷三君二相以與奧大利王轉戰三十載而有范斯法尼之會是會也立瑞士建荷蘭貶奧大利皇位承襲之分訂日爾曼列邦統屬之制至是均勢之局大定復之為辨使臣之等咸申聘問之議制過有嫌隙可講信修睦無復與兵構怨矣交涉之道煥然一新而歐洲信使之往來駐紮實權輿於此法王路易十四世亦既逞志於范斯法尼之會好大喜功北伐荷蘭南取蒲爾公地適西班牙王加祿第二世薨而無嗣遺命傳位於益蘇公名裴理勃者裴理勃路易王之孫也諸侯王方慮法國之威權日以浸大今復王西班牙是虎而翼之也維時英國方強普國浸盛連合日爾曼荷蘭沙孚亞之眾與法王轉戰十三載至康熙五十一年而有廷特來之會是會也雖不足阻裴理勃

之王有西班牙而議定法西二國不得合併為一實足弭偏重之患其許英人踞基不樂他雄鎮地中海之要隘并約法王退還侵地亦足以戢法之雄心而歐洲之均勢復定矣無何而普國方張俄疆大闢至乾隆十三年法國內亂十五年廢其君主為民主之國那波倫以一裨將進攻意大利跨海而東觀兵埃及既襲大位窮兵黷武所向風靡削其地絕其膏腴括歐洲而均一之勢復壞及其敗也列國徵盟而有維也納之會是會也還侵地正疆界立日爾曼之盟屬增荷蘭國之土宇而法人不復東向矣三分保蘭以一俄奧普之勢分四等使者以明各行入之禮其所以維繫歐洲之均勢者周且密矣夫均勢之說創於范斯法尼之會然而與會者不過法奧瑞典西班牙暨日爾曼之屬而普因北教而屏英以異教而斥故其相維之勢足以聯絡數國不足以統屬歐洲也至近時來之會英普與馬而俄國不與是均勢之盟未盡善也且范斯法尼之會諸國雖共訂條章而西班牙與荷蘭多有孟斯德之約日爾曼王率屬邦先與瑞典自負斯納勃盧克之約繼與法國復有孟斯德之約法國與西班牙又有比來納山之約前後紛紜而統謂之范斯法尼之約又近時來之會英人先與法王盟繼與西班牙王盟復與他國王分盟然則是二會者祇屬數國之私盟而非列邦之公約夫會者所以結同盟之信盟之者眾則信益彰而守愈篤今此二會散漫無紀不能共相維持宜其不久而各國弁髦之也維也納之會則不然俄國與約而均勢之道公友邦共盟而要結之誼固然而俗尚異趣也民情異好也分疆立界而建之國其所與建者不獨恃山河之險阻亦俗尚之同趣民情之同好有以結維群倫而君之民之也維也納會定各國之疆界祇求土地之均平不問民俗之向背故自有會以來比利斯分自荷蘭奧大利喪其東境意大利及德意志統一屬邦希臘國及羅馬里無復藩封土爾基向為局外之國近與歐洲則是西土之均勢雖平而東方之爭端又起矣然則交淡之道始以并吞相尚而不明繼以譎辯相欺而復失終以均勢相維而信未孚徒恃此載在盟府一二無足輕重之虛文安足以修和於罔替夫國與國既以大牙相錯自有唇

齒之依故一國之權利所在即與國之強弱攸關英人利在行商埠頭遍天下矣俄人利有南境版土因以日
展矣普與法勢不兩立而兵力愈精意若噢思復故疆而營求未已故泰西之講公法者發議蓋廷非說理之
不明實所利之各異以致源同派別分門別戶上下數十家莫衷一是於是辨交涉者不過藉口於公法以曲
徇其私須知交涉之源流既已因時而遞變即交涉之才識尤貴達變以應時此交涉之道所以存乎其人也
方佛朗勞斯之盛使於各國者不過一介行人權不重而位不高要能以口舌之微權而繫朝廷之得失及自
范斯法厄以至維也納則所遣使臣儼然身代其君矣其術以間伺為能以奢靡相尚祇求出身之貴賤不問
其人之賢愚雖有專任之權要無責成之職故有以中輟而使辦交涉者矣為之國者得一二能臣坐鎮於內
遣使他國以窺其情偽而詳報之即足以默定機宜而為之因應間有遣一使而從者數十務與彼都士夫交
接善為鈞距以得事情過大倣會然後始遣一二能臣相為反覆論辯可古今也開新創之禁而清議愈多重
議院之權而民情可達輪舟火道之星羅棋布往來便而俗尚則計日而更求汽機力之雷動風行工商裕而
財源則與時遞長所以辨交涉者非若昔時惟窺探一二人之心思可以坐操勝負又必洞悉他國民情之好
惡俗尚之從違與夫地利之饒瘠始足以立和議設商約稅則而不為人所愚弄故視昔為倍難焉余嘗讀寬
谷子書其馳說諸侯之國必視其人之材性賢愚剛柔緩急而因其好惡喜懼哀樂而掉闔之陽開陰塞變化
無窮顧天下諸侯無不入其彀中者豈有異術哉兵法曰知彼知己交涉之道盡於是矣夫彼不必知也故閱
彼新報以揣其要旨入彼議院以察其變遷上結紳衿默觀動靜下運商賈陽相機宜是以近今百年泰西之
長於交涉者首推意之加乎爾普之壁斯瑪法之大意郎俄之加且高弗英之巴未司東奧之墨代直各之數
公者先皆久游列國或充公使之選或為游覽之娛一旦身入機府他國之民情俗尚瞭如指掌獲得出使之
臣時傳消息雖千里如一室矣已亦不易知也知我之所長尤宜知我之所短知我之所長故掩之以待時而登

知我之所短故影之可因奮而更既已知我知彼矣尤宜先定其所向所向既定而後心無旁營力無旁貸所謀則濟所舉則成如加乎爾以一統為心壁斯瑪以雄長為志加且高希以廓闢為懷終皆克償其願者所向先定故也若法王那破倫第三世始欲求逞於民則附英而攻俄繼欲肆好於俄則息戰而疎英攻奧大利以沽恩於意人伐墨西哥以修睦於奧國方普人之攻丹也陰圖其利及普人之入奧也轉攝其威一旦普人修怨法王子然無他國一師之助者所向不足故也所向既定而後可與言交談之道矣蓋天下事眾寡則易舉孤掌則難鳴理之常也夫同宅豪中此疆彼界而建為國則必小事大事小憂危與共戰守相援而勢乃不孤故英得法助奏績於黑海之濱意與法連逞志於綠檀之上西人講公事以綠檀鋪台為禮范斯法尼之綠檀猶在也當親見之比利斯文憐於英法自成局外之邦合眾國求助於法王得行自主之政此皆邦交之實有所援也或恐鄰國之袒我仇而因與之交者亦有之如普之攻奧也結法人而餌之利則奧獨而危及其攻法也善俄國而申之盟則法孤而敗故自均勢之局定而列國安危所繫莫大於邦交第交不可無而擇亦宜慎英人之交惟利是圖利在則友利亡則寇列國之結懽於英者大抵無實德之可圖祇求其不助之助耳嘗慨今之不善交者莫土人若見俄國之日強故附之而俄已三削其地矣見法人之喜功故親之而法已兩奪其權矣又見英人之已護也故私之而英幾半分其國矣嗟夫當回人之滅東羅馬也開疆展土歐西為之重足而立所來使臣動加鞭笞而莫敢誰何今則時窮勢迫國內之政教財賦反為外人掌握民貧國蹙僻守一隅幾於國不其國者何也處遞變之時不因時而與之俱變內無定向而知變之士窮外無友邦而應變之方少徒守此千百年前瑪奧實所著高朗一書欲以應夫千百年後世道之變無惑乎日就削亡徒為天下後世多一沉古不通今之龜鑑可不惜哉今天應時運變之才識係乎用難責人以必有而相時制變之實學關乎理亦力學之可求然專論乎理者遇事每倉皇而失措泛求其用者臨時轉窒碍而鮮通是必理用之兼備庶可泛應而曲當當大事之來也或